

NAPREDAK ILIDŽE: POSTIGNUĆA ZA BOLJI KVALITET ŽIVOTA

Poštovani sugrađani, pred vama su rezultati koje smo postigli zahvaljujući vašoj podršci. Cilj nam je bio unaprijediti kvalitet života kroz poboljšanje usluga kantonalnih preduzeća i s ponosom dijelimo ostvarene uspjehe.



Pogled Naprijed

Ilidža - 29. februar 2028. - 0,00KM



Vaša sigurnost je NAŠA OBAVEZA!



Vaša podrška omogućila nam je da ostvarimo značajne rezultate koji su doprinijeli stvaranju sigurnije i zdravije zajednice, u što se i sami možete uvjeriti u svakodnevnom životu. U području poboljšanja sigurnosti povećali smo prisutnost policije u saradnji s kantonalnim vlastima, postavili nove policijske punktove i uveli redovne patrole, što je značajno smanjilo broj incidenata i povećalo osjećaj sigurnosti među građanima.

Postignuća u ekonomiji i zapošljavanju: Napredak za Ilidžu

Zahvaljujući vama, posvetili smo se unapređenju ekonomije i zapošljavanja u opštini Ilidža i s ponosom vam predstavljamo rezultate naših napora. U razvoju poduzetništva uveli smo subvencije i olakšice za mala i srednja preduzeća.



Obraćanje Kandidatkinje



OBRAĆANJE NOSIOCA LISTE



POSTIGNUĆA ZA BOLJI KVALITET ŽIVOTA

Poštovani sugrađani, pred vama su rezultati koje smo postigli zahvaljujući vašoj podršci. Cilj nam je bio unaprijediti kvalitet života kroz poboljšanje usluga kantonalnih preduzeća i s ponosom dijelimo ostvarene uspjehe. Modernizacija javnog prevoza uključivala je obnovu voznog parka sa 20 ekološki prihvatljivih autobusa, što je značajno smanjilo emisiju štetnih gasova. Također smo povećali frekvenciju linija uvodeći dodatne polaske na najfrekventnijim rutama, kao i digitalizaciju usluga uvođenjem aplikacije za praćenje dolazaka autobusa u realnom vremenu. U segmentu poboljšanja vodovodne i kanalizacione mreže izvršili smo rekonstrukciju vodovodne mreže zamjenom starih cijevi novima, čime je poboljšan kvalitet vodosnabdijevanja.



FOTO: WWW.OPCINAILIDZA.BA

Izgradili smo moderne kanalizacione sisteme u naseljima koja su se suočavala s problemima u ovom segmentu. Energetska efikasnost i održivi razvoj postignuti su ugradnjom LED rasvjete u svim javnim prostorima, što je smanjilo potrošnju energije, a također smo finansirali sadnju novih zelenih površina. Unapređenje javnih usluga i transparentnost ostvareni su otvaranjem dodatnih

centara za usluge građana, čime su smanjene gužve i ubrzane procedure te digitalizacijom mnogih usluga koje su sada dostupne online. Razvoj infrastrukture i komunalnih usluga obuhvatao je obnovu i asfaltiranje puteva, čime je poboljšana sigurnost u saobraćaju te uvođenje redovnijeg odvoženja otpada i postavljanje novih kontejnera za reciklažu. Ostvareni rezultati čine

opštinu Ilidža boljim mjestom za život. Stranka NAPRIJED! ostaje posvećena kontinuiranom radu na poboljšanju kvaliteta života svih sugrađana. Uz vašu podršku, nastaviti ćemo raditi na projektima koji donose napredak i razvoj našoj zajednici. Zajedno možemo još više!

Priče sa kojima se ponosimo

Postignuća u ekonomiji i zapošljavanju: Napredak za Ilidžu

Zahvaljujući vama, posvetili smo se unapređenju ekonomije i zapošljavanja u opštini Ilidža i s ponosom vam predstavljamo rezultate naših napora. U razvoju poduzetništva uveli smo subvencije i olakšice za mala i



FOTO: FACEBOOK, ILIDŽA

srednja preduzeća, s posebnim naglaskom na upošljavanje mladih i žena na različitim pozicijama. Organizovali i radionice i seminare za sticanje novih vještina i znanja. U okviru povećanja zapošljavanja otvorili smo preko 1.000 novih radnih mjesta u sektorima IT, turizma i uslužnih djelatnosti, uz partnerstva s lokalnim i međunarodnim kompanijama. Pokrenuli smo programe obuke i

prekvalifikacije nezaposlenih, olakšavajući im ulazak na tržište rada. Unaprijedili smo infrastrukturu za ekonomiju izgradnjom dvije poslovne zone, pružajući povoljne uvjete za investicije i poboljšali putnu infrastrukturu. Podrška poljoprivredi i turizmu uključuje finansijsku podršku poljoprivrednicima, čime smo povećali proizvodnju i broj zaposlenih te

investicije u obnovu kulturnih i historijskih znamenitosti, što je povećalo broj posjeta i otvorilo nova radna mjesta u turizmu. Rezultati koje smo postigli pokazuju našu posvećenost razvoju ekonomije i zapošljavanja. Stranka NAPRIJED! nastavlja predanost unapređenju životnih uslova svih građana opštine Ilidža.




FOTO: WWW.STARTBIH.BA

Vaša sigurnost je NAŠA OBAVEZA!



FOTO: WWW.MUP.KS.GOV.BA

Vaša podrška omogućila nam je da ostvarimo značajne rezultate koji su doprinijeli stvaranju sigurnije i zdravije zajednice, u što se i sami možete uvjeriti u svakodnevnom životu. U području poboljšanja sigurnosti povećali smo prisutnost policije u saradnji s kantonalnim vlastima, postavili nove policijske punktove i uveli redovne patrole, što je značajno smanjilo broj incidenata i povećalo osjećaj sigurnosti

među građanima. Instalirali smo više od 200 novih uličnih svjetiljki i postavili sigurnosne kamere na ključnim lokacijama, čime smo smanjili tamna i rizična područja u opštini. U borbi protiv vršnjačkog nasilja implementirali smo programe prevencije u svim osnovnim i srednjim školama, uključujući stručnjake koji su radili s učenicima, roditeljima i nastavnicima kako bi se identificirali i rješavali problem na

Također smo osnovali savjetovališta i telefonske linije za podršku žrtvama vršnjačkog nasilja, pružajući im potrebnu pomoć i podršku u teškim situacijama. Organizovali smo razne sportske i kulturne aktivnosti koje su poticale pozitivne interakcije među mladima i smanjile mogućnost

sukoba i nasilja. Vijećnici stranke NAPRIJED! uz vašu podršku nastavljaju raditi u službi svih građana opštine Iliđža!



FOTO: AVAZ.BA, N. ŠALIĆ

Unapređenje

podrške djeci i starijima u Iliđži

Protekle četiri godine, stranka NAPRIJED! uložila je sve svoje napore da unaprijedi uslove za djecu s posebnim potrebama i poveća brigu za starije i bolesne osobe na opštini Iliđža. Osnovali smo dva specijalizovana centra s modernom opremom za djecu s posebnim potrebama, organizovali edukativne programe za roditelje i



nastavnike te unaprijedili infrastrukturu škola za inkluzivno obrazovanje. Za starije i bolesne osobe proširili smo kapacitete domova za starije, uveli usluge kućne njege i mobilne klinike te povećali dostupnost zdravstvenih usluga i podršku porodicama. Ukratko, postigli smo značajne rezultate u poboljšanju kvaliteta života svih naših sugrađana. Uz vašu podršku, nastaviti ćemo raditi na projektima za još veći napredak opštine Iliđža.

Priče sa kojima se ponosimo

Kvalitetniji život za naše sugrađane



FOTO: RAPORT.BA

Kroz naše inicijative koje smo realizovali zajedno s vama, osigurali smo prosperitetniju budućnost za sve građane Iliđže. U protekle četiri godine implementirali smo brojne projekte usmjerene na zapošljavanje i obrazovanje mladih, s ciljem stvaranja prilika

koje će mlade ljude potaknuti da ostanu i grade svoju budućnost u našoj zajednici. Kroz obuke, edukacije i stvaranje novih radnih mjesta omogućili smo mladima da ostvare svoje potencijale i doprinesu razvoju opštine. Također, prepoznajući važnost žena u ekonomskom razvoju, pokrenuli smo inicijative za podršku ženama poduzetnicama,

pružajući im resurse, obuke i mreže za uspjeh, čime smo osigurali ravnopravne šanse za pokretanje i razvoj vlastitih poslova. Naša posvećenost ravnopravnosti rezultirala je stvaranjem novih poslovnih prilika i jačanjem ekonomije opštine Iliđža. Ostvareni rezultati su samo početak. Stranka NAPRIJED! ostaje posvećena kontinuiranom radu na poboljšanju kvaliteta života svih naših sugrađana. Uz vašu podršku, nastaviti ćemo raditi na projektima koji donose napredak i razvoj našoj zajednici.



FOTO: HOTELILIDZA.BA

Obraćanje nosioca liste Sulje Bahtića

S velikim ponosom i odgovornošću predstavljam viziju i misiju stranke NAPRIJED! za našu voljenu lldžu. Naš cilj je jasan – želimo lldžu učiniti mjestom prosperiteta i održivog razvoja, gdje će svi građani, bez obzira na dob i socijalni status, moći ostvariti svoj puni potencijal. Infrastruktura je temelj svakodnevnog života. Naš prioritet je modernizacija cesta, trotoara i javnog prijevoza kako bismo svima olakšali svakodnevne aktivnosti i osigurali sigurnost u prometu.

Ekonomija i zapošljavanje su u srcu našeg programa. Poticanjem lokalnog poslovanja i privlačenjem investicija osigurat ćemo ekonomski napredak i stabilan, dostojanstven život za svaku porodicu, i to na sljedeći način:

1. Podrška lokalnim poslovanjima kroz subvencije i kredite, ali i kroz obuku i mentorstvo.
2. Privlačenje investicija i poticajne mjere kroz poreske olakšice i infrastrukturne projekte, s posebnim akcentom na turizam.
3. Saradnja s obrazovnim institucijama putem partnerstva s univerzitetima i školama te organizovanje specijalizovane obuke u saradnji s kompanijama.



Zdravstvo je pravo svakog građanina. Zdravlje naših sugrađana je naš prioritet i radit ćemo na tome da svaki pojedinac ima pristup kvalitetnoj zdravstvenoj njezi. Briga o starijima i osobama s posebnim potrebama. Stariji su temelj naše zajednice, zaslužuju ljubav i podršku. Oni su gradili ovu zajednicu, odricali se za nas i učinili sve da nam osiguraju bolji život. Sada je naš red da se pobrinemo za njih. Osobe s posebnim potrebama su naš ponos i naša inspiracija. Njihova snaga i hrabrost u suočavanju

s izazovima svakodnevnog života nešto su čemu se svi trebamo diviti. Osigurajmo im da imaju sve što im je potrebno za dostojanstven i ispunjen život. Ekološke inicijative neophodne su za očuvanje prirodne ljepote naše opštine. Promovisat ćemo zelene projekte koji će zaštititi naše parkove, rijeke i prirodna staništa. Zdrava i čista okolina je naslijeđe koje moramo ostaviti budućim generacijama.

Dragi sugrađani, NAPRIJED! će raditi neumorno na poboljšanju kvaliteta života svih nas. Naš tim je posvećen stvaranju zajednice u kojoj će svako imati priliku za uspjeh i zadovoljstvo. Zajedno možemo graditi lldžu prosperiteta i održivog razvoja.

Glasajmo odlučno za NAPRIJED! lldža!
S poštovanjem,
Suljo Bahtić, prof.

Obraćanje kandidatkinje Safete Mulić

Moje ime je Safeta Mulić. Ja i moja stranka „NAPRIJED!“ posvećeni smo, kako promjenama, tako i stvaranju bolje budućnosti za sve naše građane. Kao član stranke „NAPRIJED!“, duboko vjerujem u viziju i naše ciljeve, koje smo postavili za našu zajednicu. Lično ću se zalagati prvenstveno za:

1. OSOBE S INVALIDITETOM

Pridati pažnju osobama s invaliditetom te osigurati pristup zdravstvenim uslugama i socijalnoj skrbi. Otvoriti inkluzivno okruženje u kojem će se svaki građanin, bez obzira na svoje sposobnosti, osjećati uvaženo i podržano. Dati im podršku u zapošljavanju i obrazovanju te raditi na unapređenju i kvalitetu života.

2. OBRAZOVNI SISTEM

Pozivam na jačanje obrazovnog sistema kroz ulaganje postojećih i novih vrtića. Naselje Lužani kao vitalni dio općine lldža zaslužuje pristup kvalitetnim ustanovama za mlađu populaciju kako bismo poboljšali pristup predškolskom obrazovanju i omogućili roditeljima lakši pristup kvalitetnoj brizi za svoju djecu.

3. SPORT I REKREACIJA

Kao produžena ruka stranke „NAPRIJED!“ svjesna sam važnosti razvoja sportskih i rekreativnih sadržaja za poboljšanje kvalitete života naših građana. U posljednje vrijeme postalo je evidentno da se naselje Lužani u općini lldža suočava s nedostatkom sportskih terena, sportskih centara, igrališta i biciklističkih staza. Ovi prostori igraju ključnu ulogu u promicanju tjelesne aktivnosti, zdravlja i zajedničkog duha. Važno je osigurati prostor za rekreaciju i sport koji će biti dostupan svima bez obzira na dob ili interes naših građana.

4. MIGRACIONA POPULACIJA

Na prostoru cijele općine lldža prisutan je veći broj migrantske populacije, što nam onemogućava potpunu sigurnost građana. Poraditi na kontroli istih i osigurati im kretanje van njihovih centara, kampova.

5. PARKING MJESTA

Kao član stranke prepoznajem ozbiljan problem nedostatka parking mjesta u općini lldža, što dovodi do velikih poteškoća za stanovnike te dovodi do nepotrebnih gužvi. Kao politička stranka zalagat ćemo se za ulaganje u proširenje postojećih parking mjesta i izgradnju novih, kako bismo olakšali svakodnevni život građana.



Provjereni ljudi za novo Općinsko vijeće!

ILIDŽA Donosimo listu kandidata za Općinsko vijeće Ilidža



3

Salem Bajrović

Salem Bajrović rođen je 1965. godine. Završio SSS mehaničar mašina i alata. Radi u Lactalisu kao trgovački putnik već 18 godina. Kao borac Armije RBiH, posvećen je unapređenju kvaliteta života građana opštine Ilidža. Kroz svoju kandidaturu za izbore, Salem će se zalagati za bolji i ugodniji život svih građana, s posebnim fokusom na unapređenje infrastrukture, obrazovanja i zdravstvenih usluga. Njegov cilj je doprinosti razvoju opštine i osigurati pravedne i kvalitetne uvjete za sve!



4

Adilj Sokoli

Adilj Sokoli rođen je 1983. godine u Prizrenu na Kosovu. Najveći fokus njegovog djelovanja u Općinskom vijeću Ilidža bit će stavljen na poboljšanje infrastrukture, s posebnim naglaskom na unapređenje ulične rasvjete i razvoj parkova za djecu. Njegova posvećenost osiguravanju sigurnijih i prijatnijih javnih prostora odražava njegovu želju za unapređenjem kvalitete života u zajednici. Adilj vjeruje da unapređenje ovih aspekata može značajno doprinijeti stvaranju zdravijeg i ugodnijeg okruženja za sve građane, posebno za našu djecu.



5

Melisa Hodžić

Melisa Hodžić rođena u Sarajevu 1991. godine, gdje je završila Srednju školu za Medicinske sestre/tehničare na Jezeru akušersko-ginekološki smjer. Magistrica je menadžmenta u zdravstvu. Iskusiła praksu, stekla pravo na samostalni rad i radila u struci. Trenutno radi u poljoprivrednom mehanizacijskom sektoru, gdje je prošla mnogobrojne strane škole, obuke, seminare i stekla mnogobrojne licence. Članica stranih komora. U budućnosti bi voljela vidjeti više žena poduzetnica i pružiti ruku podrške ženama koje su preživjele bilo koji oblik nasilja. Kako i sama kaže, žena je ženi najbolja potpora u napredovanju. Ilidžu vidi kao opštinu budućnosti, inovativnih detalja i prosperiteta u raznim vidovima.



7

Dževad Peljto

Dževad Peljto, rođen 1969. godine, diplomirani je ekonomista. Kroz svoju kandidaturu usmjeren je na delegiranje inicijativa mjesnih zajednica na općinsko vijeće i osiguranje njihovog uključivanja u budžet općine. Poseban akcenat stavlja na subvencioniranje troškova vrtića te udžbenika i školske opreme za naše prvaciće. Također, planira širiti mrežu područnih ambulanti kako bi svaki sugrađanin imao pravo na adekvatnu zdravstvenu njegu. Zajedno s vama krećemo NAPRIJED!



Nermina Mušanović 8

Nermina Mušanović, rođena 1988. godine, završila je grafičku tehničku školu i ima 15 godina iskustva u radu u trgovini. Kroz svoju kandidaturu, Nermina će se zalagati za veća prava žena u opštini Ilidža, s ciljem unapređenja ravnoteže i mogućnosti za sve žene u Bosni i Hercegovini. Njen cilj je raditi na stvaranju povoljnijih uslova za mlade ljude kako bi ostali i gradili svoju budućnost u našoj zemlji. Vjeruje da je jedini put naprijed i da zajedno možemo postići značajan napredak.



Mirza Alihodžić, rođen je 1981. godine u Sarajevu. Ranjen u 1995. godine, kada je sa 14 godina postao doživotno vezan za invalidska kolica te je stekao status civilne žrtve rata. Kao član ove marginalizovane populacije, posvećen je poboljšanju statusa civilnih žrtava rata u Općini Ilidža. Kroz svoju kandidaturu, nastojat će unaprijediti uslove života za sve koji su pogođeni sličnim izazovima, osiguravajući im pravedan tretman i potrebnu podršku.

6

Mirza Alihodžić



Ibrahim Sarajlić, kao i njegova stranka NAPRIJED!, posvećen je stvaranju bolje budućnosti za sve građane i sugrađane opštine Ilidža. Njegovo zalaganje fokusira se na unapređenje zapošljavanja mladih i smanjenje broja odlazaka mladog radnog kadra. Kao privrednik, Ibrahim osjeća problem nedostatka radne snage, posebno osposobljenog kadra, te će raditi na rješavanju ovog izazova. Pored toga, obećava građanima opštine Ilidža da će biti na raspolaganju za sve aktivnosti koje će donijeti dobrobit zajednici.

10

Ibrahim Sarajlić



Dženana Sarajlić, članica i kandidatkinja stranke NAPRIJED!, posvećena je stvaranju bolje budućnosti za sve građane opštine Ilidža. Dženana duboko vjeruje u svoje namjere za dobrobit svih građana opštine i zalagat će se za unapređenje njihovih potreba, ustrajno se držeći puta ka razvoju opštine i poboljšanju kvaliteta života. Kao osoba koja cijeni mišljenje svakog pojedinca, trudit će se da riješi sve izazove i probleme u interesu zajednice.

11

Dženana Sarajlić

Mehmedović:

Snaga bosanskog duha vodi nas NAPRIJED!

Poštovani,

svako od nas treba sebi postaviti logično pitanje: Zašto Naprijed?

Nakon agresije, Bosna i Hercegovina bila je duboko podijeljeno društvo, ali s ogromnim političkim kapitalom i ugledom u svijetu zbog vođenja odbrambeno-oslobodilački rat protiv mnoštva neprijatelja.

Etničku podjelu, koju su proizveli naši susjedi, vrijeme je dodatno učvrstilo, što je dovelo do podijeljenosti bh. društva u gotovo svim aspektima. Takvo stanje, u okvirima dejtonskog ustavno-pravnog uređenja, postaje neodrživo. Pozitivni politički kapital vremenom se topio da bi danas dostigao svoj minimum. Ujedinjenje bosanskog društva je imperativ političkog pokreta NAPRIJED. Najmanje što nas spaja je bosanska državnost, pripadnost državi Bosni i Hercegovini, a to nas je spajalo i kroz povijest.

Zašto NAPRIJED?

Zato što je status quo postao model koji će nas preskupo koštati kao državu. I danas smo zarobljeni u tom stanju, bez mogućnosti institucionalnog odgovora na izazove današnjice. Nove geopolitičke okolnosti i izazovi su pred Bosnom i Hercegovinom.

Naši mladi odlaze zbog pravne i životne nesigurnosti uzrokovane teškom političkom situacijom u Bosni i Hercegovini. Ne vide budućnost ovdje. Zato treba NAPRIJED! Dok cijene rastu, plate stagniraju. Ne oslanjajte se na statistike; pogledajte šta možete kupiti za svoju platu. Vrijeme je da se zapitamo idemo li u pogrešnom smjeru. Moralna obnova društva je imperativ današnjice u Bosni i Hercegovini! Elementarni moralni principi su obaveza svakog člana zajednice. Zato treba NAPRIJED! Pokret koji će politikom kvaliteta obezbijediti osnovne vrijednosti u političkom životu naše zajednice i promijeniti negativan pogled na politiku i političare. NAPRIJED je već drugačiji od ostalih!

ZAŠTO NAPRIJED?

Zato jer je MISIJA ovog pokreta upravo briga o svakom bh. čovjeku od rođenja do kraja života.

Djelovati kao opoziciona stranka u Bosni i Hercegovini i izaći na izbore, a s obzirom na opću ekonomsku i društvenu krizu, bez sumnje je "Sizifov posao".

No, postoji čuvena poruka Lava Nikolajeviča Tolstoja, ako se jedna grupa nečasnih ljudi domogne vlasti, nužno je da se nađe grupa časnih ljudi da im se suprotstavi.

Ovo bi mogao biti jak motiv da se neko danas, posebno mladi ljudi, odluči i odvaži politički angažirati. Bosna i Hercegovina je posebna zbog svog jedinstvenog uređenja temeljenog na Dejtonskom sporazumu. Kao tranzicijska postsocijalistička država, postala je hibrid komunizma i kapitalizma, bez socijalne osjetljivosti. Iako ima parlamentarnu demokratiju, vladajuće etničke oligarhije čine je autokratskom. Sadašnji vlastodršci izgradili su tri zasebna režima po etnonacionalnom konceptu. Trojka, odnosno ponašanje lidera ovih strana (SDP, NiP, NS), u bitnom se ne razlikuje od svojih prethodnika na vlasti. Jednostavno se čini kao da nema izlaza i rješenja ovog zamršenog čvora. Zato treba NAPRIJED! Alternativa mora dati nadu Bosni i Hercegovini te njenim građanima. Populizam je postao globalni trend, a razvojem društvenih mreža, ratnohuškačka retorika i govor mržnje u BiH ozbiljno su ugrozili multikulturalno naslijeđe naše zemlje.

I najvećim svjetskim umovima teško je definirati političke i ideološke trendove koji Bosnu i Hercegovinu vuku u srednji vijek. S pozicije teorije političkih doktrina vrlo je teško razvrstati stranke na lijevicu, centar i desnicu. Političke anomalije stvaraju defetizam i beznađe, pa malo idealista pokušava promijeniti situaciju. Nekolicina njih okupila se oko stranke NAPRIJED.

Vjerujemo u nesalomljiv bosanski duh, koji kroz historiju nalazi odgovore na sve izazove. Bosanski duh oživljava patriotizam i ljubav prema domovini, koju Bosanci svakodnevno iskazuju širom svijeta. Time je prožet Program pokreta NAPRIJED, kao i sve ono čime smo iznijeli viziju budućnosti naše domovine.

Naša hrabrost da politički djelujemo unatoč "nemogućim misijama" dovoljno govori o nama. Želimo pokazati da smo drugačiji, s inovativnim političkim narativom i iskrenim namjerama. Naša su mjerila drugačija jer težimo biti pokret časnih i odvažnih ljudi koji imaju hrabrosti da ODLUČNO krenu NAPRIJED!

Našoj domovini treba reset sistema i drugačiji kadrovski potencijal. Prije svega, treba joj društvo kompetencija i znanja, društvo poštenih i čestitih kadrova čiji je prag tolerancije na korupciju nulti.

E, zato NAPRIJED treba našoj domovini! Snaga bosanskog duha leži u našoj sposobnosti da prkosom i odlučnošću krčimo puteve koji vode NAPRIJED!

Zvijezde, koraci i novi početak: Otkrijte simboliku logotipa NAPRIJED!

Logo NAPRIJED! sastoji se od dva elementa: čovjeka i zvjezdica.

Prikaz čovjeka koji korača naprijed simbolizira posvećenost političkog subjekta NAPRIJED! ka napretku. Zvijezde predstavljaju našu domovinu Bosnu i Hercegovinu, a istovremeno simboliziraju i Evropsku uniju, kojoj NAPRIJED! nastoji pridružiti našu domovinu.

Sam tekst "NAPRIJED" na logu blago je nagnut prema naprijed, što dodatno naglašava dinamiku za iskorakom i izlaskom iz stagnacije i teškoća koje nas trenutno opterećuju.

NAPRIJED za nas nije samo riječ, već obećanje, poziv na akciju i poziv na buđenje kolektivne svijesti. Boje našeg logotipa – plava i žuta – odabrane su kako bi odrazile simboliku zastave Bosne i Hercegovine, ali i zbog njihovog dubljeg značenja. Plava boja povezuje se s povjerenjem, lojalnošću i stabilnošću, dok žuta simbolizira optimizam, nadu i novi početak. Zajedno, ove boje šalju poruku da je NAPRIJED! politički subjekt na kojeg se možete osloniti da Bosnu i Hercegovinu povede NAPRIJED!.

Država kao imperativ, sigurnost, moralna obnova društva, iseljništvo, ekologija, mladi, neki su od temeljnih principa na kojem mi iz pokreta NAPRIJED! gradimo viziju dostojanstvenog i sigurnog života za sve građane Bosne i Hercegovine. Naša misija je da, kroz političku scenu BiH, postanemo pokret za transformaciju i ozdravljenje bosanskohercegovačkog društva, brinući o svakom čovjeku od rođenja do kraja života.

Pozivamo sve građane da budu dio promjena, da pokažemo bosanski inat kada je najteže. Naša budućnost je onakva kakvu želimo. Snaga bosanskog duha leži u našoj sposobnosti da s prkosom i odlučnošću krčimo puteve koji vode NAPRIJED!



NAPRIJED BOSNA I HERCEGOVINA!

Zmaja od Bosne 7
71 000 Sarajevo
info@naprijed.ba
033/862 535
www.naprijed.ba